



**Sámi
allaskuvla**

OAHPPOPLÁNA

SÁM 192

GIRJEČÁLLIOAHPPU 2- Prosa ja mitalusat

10 oahppočuoggá

Dohkkehuvvon Dutkan- ja oahppostivrras 10.05.22 áššis 11/22 ja loahpalaččat DOS-jodiheaddji mearrádusnotáhta bokte 16.06.22, Public áššenr: 22/00268. Rievdaduvvon goahtejodiheaddji mearrádusnotáhta bokte 30.06.23, Public áššenr. 23/00309-1.

1. OAHPU NAMMA

Sámegillii: Girječállioahppu 2 – Prosa ja mitalusat
Dárogillii: Forfatterstudium 2 – Prosa og beretelser
Eangalagillii: Creative Writing 2 – Prose and stories

2. OPPALAŠ DIEĐUT OAHPU BIRRA

- Oahppoovttadaga koda: SÁM 192
- Dássi: Bachelor
- Oahppočuoggát: 10 oahppočuoggá
- Oahpu lágideapmi: Deaivvadeamit leat juhkkovuvvon fysalaš deaivvadeapmin Diehtosiiddas (ja vejolaččat eará báikkiin) ja neahttaoahpahussan. Sámi allaskuvla lágida kurssa ovttasráđiid Sámi Girječálliid Servviin.

3. OAHPPOPROGRÁMMA GULLEVAŠVUOHTA

Oahppoovttadat lea oassin Girječállioahpus 1-3, mii oktiibuot dahká 30 oč. Girječállioahpus lea vejolaš váldit juohke 10 oč kurssa sierra.

Oahppu lea dohkkehuvvon doarjjafágan Sámegeiela ja sámi girjjálašvuoda bachelorprográmmas ja sáhtá maid dohkkehuvvot doarjjafágan eará bachelorprográmmain.

4. SISABEASSANGÁIBÁDUSAT

Dábálaš sisabeassangáibádusat alitoahpahussii ja sámegeielmáhttu. Sisabeassanvuodđu sáhtá leat juogo oppalaš lohangelbbolašvuhta (čadahan joatkkaskuvlla/logahaga) dahje realangelbbolašvuhta. Oppalaš lohangelbbolašvuoda gáibádusat olgoriikka ohcciide bohtet ovdan NOKUTa [GSU-listtus](#).

Sámegeiela gáibádusa sáhtá deavdit čuovvovaš vugiid mielde: Norgga joatkkaskuvllas sámegeiella 1. dahje 2. giellan, Suoma logahagas eatnigielladutkkus dahje lohkan sámegeiela vierrogiellanja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegeielloahppu doaimbi njuolggadusaid mielde. Sámegeiela gáibádusa sáhtá maid deavdit sámegeiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuhta man dási gelbbolašvuhta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

5. OAHPAHUS- JA EKSÁMENGIELLA

Váldo oahpahusgiella lea davvisámegiella. Eará sámegiela, skandináva giela ja eanjalasgiella sáhttet geavahuvvot oahpahusas. Oahpahus davvisámegillii ja eanjalasgillii ii dulkojuvvo. Eará gielaide oahpahus dulkojuvvo dárbbu mielde.

Eksámengiella lea dábálaččat davvisámegiella, muhto sáhttá rahppot vejolašvuohta čállit eksámena eará sámegillii ge.

6. SISDOALLU

Girječálloeahppu 1-3 lea jurddašuvvon olbmuide geat háliidit oahppat girječállima, ovdánahttit čáppagirjjálaš čállindáidduset ja hárvánit árvvoštallat girjjálašvuođa teavsttaid. Danin vuoruhuvvo čállin iešguđetge šanjeriin. Oahpahus lea mánggabealat, ja dasa bovdejuvvojit guosselogaldallit lassin kursalágideddjiide. Studeanttat galget oahpásmuvvat iešguđetge čállinšlájaide/ šanjeriidda, ja sii besset ieža iskat čállit sihke šanjernáráid siskobealde ja šanjer-rastideaddji teavsttaid. Oahpahus lea maiddá girječállima giellageavaheami birra ja oahpásmuvvan sámi čállima historjá ja mánggabealatvuhtii, ee. girjjálašvuođa ođđa almmuhanvugiide, dego slam, spoken word ja digitála girjjálašvuohta. Iešguđetge oasis oahpus deattuhuvvojit moadde čállinhámi erenoamážit.

Oahppu addá čállinhárváneami mii lea ávkin sihke čáppa- ja fágagirjjálaš čállimii. Kurssas oahpásmuvvá iešguđetge čállinšlájaide maid sáhttet atnit ávkin sihke journalisttat, lágádusbargit, olbmot geat barget kulturealáhusain, girjerájusbargit ja oahpaheadjit.

Girječállioahppu 2 čiekŋuda erenoamážit sámi prosateavsttaide, sihke otnábeaivvi novellaide ja románaide, ja maiddá eará šanjeriidda dego esseija. Dasa lassin giehtadallojit máidnasat ja muitalusat, ja daid fuolkevuotta prosai.

7. OAHPPANJOKSOSAT

Oahpu maŋŋá studeanta lea olahan dáid oahppanjoksosiid:

Diehtu:

Studeanta

- dovdá sámi prosa ja sámi máinnastan- ja muitalanárbevieru
- dovdá girječállima prosašanjeriid, sihke romána-, novealla- ja esseijačállimis
- dovdá sámi prosagirjjálašvuođa historjá ja makkár ovdanbuktinvuogit leat geavahuvvon áiggiid čađa
- dovdá sámi máinnastan- ja muitalanárbevieru ja mo ođđaset sámi prosa doaimá

Máhttu:

Studeanta

- máhttá čállit ja dulkot sámi prosa, sihke esseija, muitalusaid, noveallaid ja románaid
- máhttá buktit ovdan iežas teavsttaid ja čatnat daid oktii sámi njálmmálaš ja girjjálaš árbevieruiguin

Oppalaš gelbbolašvuohta:

Studeanta

- máhtta čilget sámii noveallaid ja románaid ja bidjat daid rievttis historjjálaš oktavuhtii
- máhtta čállit esseijaid, ja máhtta earáid čállima árvvoštallat ja evttohit buoridemiid
- máhtta vuostáiváldit árvvoštallama buoridan dihtii iežas čállindáidaga

8. OAHPAHAN- JA OAHPPANVUOGIT

Oahpahus lea čoagganemiid bokte. Lea maid vejolaš ahte muhtun deaivvadeamit leat digitála hámis. Studeanttat galget čállit teavsttaid deaivvademiid gaskkas ja sáddet daid fágaoahpaheddjiide ja mielde-studeanttaide kommenteremii vai olles joavku beassá čoagganemiid oktavuođas ságastallat ja árvvoštallat ja evttohallat buoridemiid teavsttaide. Teakstabájit main studeanttaid iežaset čállosat guorahallojuvvojit dárkilit leat guovddáš oassi oahpus. Dasa lassin leat logaldagat mat čilgejit girjjálašvuođa šlájaid, čállinhámiid ja árvvoštallanvugiid.

Vurdojuvvo ahte studeanttat leat aktiivvalaččat mielde ságastallamiin iešguđet teavsttaid guorahallamis.

9. GÁIBÁDUSAT BEASSAT EKSÁMENII

Studeanta galgá leamaš mielde unnimusat 75% čoagganemiin.

Studeanta galgá

- čállit unnimusat 5 siiddu ođđa dahje ođastuvvon teavstta juohke deaivvadeapmái
- ovdanbuktit unnimusat ovtta teakstačájálmasa (teakstaovdamearkka), mii ságastallojuvvo studeantajoavkkus.

10. EKSÁMEN

Eksámen lea ruovttueksámen mas studeanta gárve teavstta dahje teavsttaid maid lea čállán oahppoáiggi, jogo:

- 6-12 siidosaš prosateavstta, jogo novealla, románas oassekapihtala dahje esseija, *dahje*
- 6-12 siidosaš mitalusa dahje mitalusaid mat lea hábmejuvvon árbevirolaš vuogi mielde.

Eksámen árvvoštallojuvvo ceavzán/ ii ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

li leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea ovddasvástádus searvat árvvoštallamiidda mat leat oassin kvalitehtasihkkarastinvuogádagas.

Studeantadásis oahppu árvvoštallojuvvo oahpu loahpahettiin. Ásahusdásis oahppu árvvoštallojuvvo studeantaárvvoštallamiid, sensorraporttaid ja fágaraportta vuodul.